

AGENDRE FANAHAE YESU
KAMIS 14 MEI 2026

1. FANGOWAI BA FOGAONI

(Tedöni dorosi , möi ndra sohalöwö bakha ba gosali, ba lahalö wangahono dödö banua niha Keriso ba wangondrasi ba ba wasumangeta khö Lowalangi).

- Fangowai** :
SA : Ya'ami banua Zo'aya, No oi owulo ita oi faondra ba wa'owuawua dödö föna Keriso, Ba wanörö tödö Fanahae Zo'aya ya'ita Yesu Keriso ba zorugo. Andrö, ba döi Yesu ma'owai Ami fefu Ya'ahowu.
- SATO** : Ya'ahowu !
SA : Ya faofao khömi Lowalangi...
SATO : Ya fao Khöu Geheha-Nia
Fogaoni :
SA : Da ta'owuawua'ö dödöda wangondrasi Yehowa, da ta'omusoi'ö dödöda ba Wamalua fasumangeta khö Lowalangi. Tasuno Ia, manunö ita moroi ba Mbuku Zinunö **numero 118**

118. HE YESU, SI NO MAOSO 1

do = g 4/4

MM = 96 - 104

1. He Yesu, si no maoso, ni susugi Nama.
 Moroi ba ngai zimate, sa 'ozu femöna.
 Fefu oi Ö ' alani, zata ' u dödöma.
 Horö ba fa ' amate, moroi ba mböröta.
2. Me möi' Ö ba zorugo Sala'wa Wa' auri.
 Möi mamöfögö naha zaro ba wamati.
 He bongi he ma' ökhö Öfahowu' öga.
 Duhu zi no Öwa' ö, lö faröi' Ö khöma.

2. FANGA'ARO'Ö WA'OWULO (VOTUM)

- SA** : Da tahonogö dödöda ba wariawösa, ba ba wa hasambua khö Lowalangi, (Muzizio zato):
 No owulo ita ba da'e ba döi Lowalangi Ama, ba ba döi nono-Nia Yesu Keriso, ba ba döi Geheha Ni'amon'i'ö. Fangorifida ha ba döi Yehowa si no momböi banua si yawa awö danö.....

SATO : YADUHU

- SA** : Imane Yesu: "Iada'e, ba mofanö ndra'o khö zamatenge Ya'o. Möido sa muhaogö naha khömi, Uröi khömi wa'ohahau dödö, fa'ohahau dödö khö-Gu ube'e khömi. Bö'ö nibe'e niha gulidanö, bö'ö nibe'e-Gu. Böi abu dödömi ba böi ata'u ami. **HALELUYA.....**

SA : **Manunö** : BZ. : 452
HALELUYA....HALEYA.... HALELU...YA.....

- SA** : Mangandrö ita :
 He So'aya ya'aga Yesu Keriso, Ono Lowalangi Ama, solakhömi ! No manahae Ndra'ugö ba zorugo, dumadao ba gambölö Nama, ba wamatörö si so si yawa ba mbanua, he göi si so si tou ba gulidanö. He So'aya, böi röi ndra'aga bawanörö lalama. Fatenge khöma Geheha sanolo. Be'e khöma wa'abölö ena'ö lö faröi ndra'aga ba daroma Li-Mö, ba abölö'ö mbanua-U ba wolawa ngawalö zi lö sökhi , ena'ö sitedou ira wamati ba gulidanö andre. Hakhö-U manötönaga, me Ya'ugö zamatörö banua si yawa awö danö i'otarai da'e irugi ba zi lö aetu. Yaduhu. **(Mudadao zato)**

3. MANUNÖ moroi ba Mbuku Zinunö Numero 117

117. NO KHÖ YESU WAMATÖRÖ

Lala : Mi' ondrasi Fefu Niha (No. 193)

do = f 4/4

MM = 96 - 104

1. No khö Yesu wamatörö, si no mo ' ahonoa.
No so Ia ba lakhömi ba ngai Nama, iada ' a.
2. Duhu no mo' ahonoa, wangöhöli ya' ita.
Ba röfa no Ifaulugö, wangatulö' ö niha.

4. FOMBASO TAROMA LI LOWALANGI FAMÖRÖGÖ (AF)

: Da Tafondrondrongo Daroma Li Lowalangi, Tehalö Moroi Ba Zura **Sinunö 68:16-20**

16. Hili khö Lowalangi hili Mbazana andrö; hili soya zuzu hili Mbazana.
17. Hana wa afökhö dödömi, ya'ami hili soya zuzu, ba hili andrö somasi Lowalangi dadaomania? Ba lö mamalömalö, wa nahia Lowalangi ia.
18. Kureta Lowalangi andrö, ba no ba ngafulu ngahönö, mehönö wa hönö; no so ba khöra Zo'aya: — hili Zina'i, ni'amoni'ö.
19. No möi miyawa ndra'ugö, no ö'öhe nikuru nikuroe andrö; no ötema game'ela ba niha, he ba zi lö molo'ö li, ena'ö lö tebulö Yehowa, Lowalangi.
20. Nisuno Zo'aya, ero ma'ökhö i'onoro noroda. Fangorifida Lowalangi.

Simanö daroma Li Lowalangi, da tatema'ö faoma sinunö: BZ.Numero 3

3. MASUNO'Ö YEHOWA ¹

do = f 3/4

MM = 96 - 104

2. Sumange la'öhe khö-U, mala'ika awö niha.
Dozi ira manunö, lasunosuno Yehowa.
Lira lö mo'aetufa, götögötö wa'ara.

5. FANGANDRÖ FANGEFA HORÖ

SA

: Ya'ami ira talifusö'

Na tawa'ö lö horöda, ba talimo ita, ba siduhu lö'ö ba dödöda. Na ta'ombakha'ö Horöda, ba lö faröi Ia, ba no satulö Ia,fa'i'efa'ö khöda horö andrö, ihaogö ita, awö wa'iheta fefu zilö atulö. Andrö da möi ita föna Lowalangi si fao fangidengide'ö ba wangombakha horöda, (muzizio ita fefu)

Mangandrö ita :

He Lowalangi Ama, si so ba zorugo yawa. Ma'ondrasi dadaoma wa'ahakhö dödö-U Andrö. Mafaduhu'ö wa no niha sebua horö ndra'aga tanö föna-Mö,i'otarai iraono ndra'aga, no iböböga amuata walimosa, fanagö, fangisö, awö wamalua ngawalö gamuata si lö faudu ba zomasi Ndra'ugö. He So'aya ya'aga Yesu Keriso si mate ba röfa ba hili Gologata, ba si no maoso moroi ba ngai zimate. Bologö dödö-U khöma, ba be'e aefa khöma horöma andrö. Hakhösi dödö-U khöma So'aya, böi tehe tekiko ndra'aga ba böi tehe te'ala, törö tödö-U wa'ebua dödö-U ba fa'ahakhö dödö-U andrö khöma. Böi bulö'ö khöma wangorifi andrö si no Öhönagö ba zamati khö-U, Yaduhu

SATO

: Manunö : BZ. Numero 224 : 1

224. NA'UBINI'Ö HORÖGU KHÖ YESU

1. Na'ibini'ö horögu khö Yesu, ba lö usöndra za hono dödögu
U'ombakha'ö ngawalö horögu, mo lala dödö.

SA

: **Turia Wangefa horö** : “ Imane taroma Li Lowalangi : “ Noa sa ahori mamazökhi hörö ira, ba lö'ö sa si sökhi duriara khö Lowalangi. Ba saohagölö

wa Iwa'ö Lowalangi satulö ira, fa'ebua dödö-Nia, börö wangöhöli andrö, ba khö Kerio Yesu, nifataro Lowalangi höli, ba ndro-Nia andrö, balazi zamati, ba wangoroma'ö fa'atulö dödö-Nia, börö wa no I'osilömilagö horö föna. Si mane fa'ahakhö dödö nama nononia, si manö wa'ahakhö dödö Yehowa zangata'ufi Ya'ia"

LAKHÖMI KHÖ LOWALANGI SI YAWA.....

SATO : Manunö:

450. BA FA'ATULÖ BA GULIDANÖ

do = d 4/4

MM = 74 – 84

1. Ba fa 'a tulö ba gulidanö ba niha ni'omasi 'ö andrö
(mudadao zato)

6. FOMBASO WAÖ-WAÖ WANAHAE YESU

SA : Da tafondrondrongo waöwaö wanahae Zo'aya ya'ita Yesu keriso

- 1) Manunö moroi ba BZ. No 118:1

118. HE YESU, SI NO MAOSO 1

do = g 4/4

MM = 96 – 104

1. He Yesu, si no maoso, ni susugi Nama.
Moroi ba ngai zimate, sa 'ozu femöna.
Fefu oi ö ' alani, zata ' u dödöma.
Horö ba fa ' amate, moroi ba mböröta.

+ Fombaso Matai'o 28 : 18-20

18. Ba i'ondrasi ira Yesu, humede ia khöra, imane: Fefu wa'abölö andrö ba zorugo ba ba guli danö, ba no mube'e khögu.
19. Mi'ae'e, mibali'ö nifahaö fefu soi, wamayagö idanö ya'ira ba döi Nama ba ba döi Nono ba ba döi Geheha ni'amonio;
20. mifahaö ira ba wolo'ö fefu hadia ia niwa'ögu khömi. Ba hiza, fao khömi ndra'o, ero ma'ökhö, irugi gamozua götö danö andrö.

- 2) Manunö moroi ba BZ. No 118:2

2. Me möi' ö ba zorugo Sala'wa Wa' auri.
Möi mamöfögö naha zaro ba wamati.
He bongi he ma' ökhö öfahowu' öga.
Duhu zi no öwa' ö, lö faröi' ö khöma.

+ Fombaso Hal.Zin 1: 3 - 8

3. ba ni'oya'önia tandra, wangoroma'ö wa no auri ia, me no aefa itaögö wamakao andrö; öfa wulu wongi wa'ara i'oromaroma'ö ia khöra, i'ombakha'ö khöra ngawalö mbanua Lowalangi andrö.
4. Ba me orudu ira, me manga ira, ba iwa'ö khöra, böi laröi Yeruzalema, labaloi gamabu'ula li Nama andrö, nironngomi khögu (iwa'ö).
5. Idanö sa nibayagö Yohane, ba nibayagö Eheha ni'amonio ami, lö ara tö.
6. Ba lasofu khönia si so ba da'ö, lamane: He Tua, hadia öfuli ö'a'azökhi iya'e dania nöri Ndraono Gizeraëli?
7. Ba imane khöra: Tenga si nangea ya'ami zangila bawa ba bu'u li, nihonogöi Nama ba wa'abölönia,

8. ba mitema dania wa'abölö Geheha ni'amoni'ö, si möi khömi, ba samaduhu'ö ami khögu ba Yeruzalema, ba ba danö Yudaia, ma'asagörö, ba ba Zamaria, ba irugi wondrege danö.

3) Manunö moroi ba BZ. No 118:3

3. Ma' andrö khö-U, So' aya, fazaŵa danga-Mö.
Afu mo' urakhaga, ba howuhowu-Mö.
Be' e khöma Geheha si möi fangabölö.
Ba wanga' i halöwö si no ö' oroi' ö.

+ Fombaso Hal.Zin 1:9-14

9. Ba me aefa iwa'ö da'ö, ba tefazawa ia, anehe ira, ihalö ia lawuo, ba lö'ö sa'ae oroma ia khöra.

10. Ba me latöngö mbanua si yawa, me mofanö ia, ba hiza, darua zi so ba da'ö khöra niha, sobaru safusi,

11. sanguma'ö göi: Hana wa so ami ba da'e, wa mitöngö mbanua, ya'ami banua Galilaia? Mangawuli dania Yesu andrö, nihalö ba zorugo moroi ba khömi, si mane me mi'ila ia, me mofanö ia ba zorugo.

12. Aefa da'ö, ba mangawuli ira ba Yeruzalema, moroi ba hili andrö, sotöi hili wanikha, ba ngai Yeruzalema, mato sambadu fofanö.

13. Ba me no larugi yomo, ba möi ira yawa ba mbate'e ba zi sagötö, ba da'ö sosó ira, Fetero ba Yohane ba Yakobo ba Andrea ba Filifo ba Toma ba Batolomaio ba Mataio ba Yakobo, ono Galifaio, ba Simoni selote ba Yuda, ono Yakobo.

14. Da'ö fefu zi lö aefa'aefa mangandrö, ha sara dödü, awö ndra alawe andrö, ba awö Maria, ina Yesu, ba ira talifusönia.

4) Manunö moroi ba BZ. No 118:4

4. No Ökaoniga, Yesu, dozi tana khö-Mö.
Wama' ema buala, ba zerege tödü.
Faulugö wangehaogö ya' aga ba ndro-Mö.
Ena' ö lö tebulö wa' omuso dödü.

+ Fombaso Taroma Li Lowalangi nibaso föna huhuo Zura Yohane 14:28-31

28. No mirongo, me uwa'ö khömi: Mofanö ndra'o ba ufulido khömi. Na mi'omasi'ö ndra'o, ba omuso dödümi ena'ö, me khö Nama möido, me no sebua moroi khögu Nama.

29. Ba noa sa uwa'ö khömi, fatua lö alua, ena'ö faduhu dödümi, na alua dania.

30. Lö'ö sa'ae oya huhuogu khömi, so sa'ae zalawa guli danö andrö, ba lö isöndra hadia ia khögu;

31. ba ena'ö aboto ba dödü niha guli danö, omasido Nama ba u'o'ö hadia niwa'ö Nama khögu, ba mifaoso, taheta ita ba da'e!

Ya'ahowu zamondrongo taroma Li Lowalangi ba Same badödö...

**8. SA+SATO
FASÖMBATA
SA**

: Yaduhu

: Iada'e tebe'e khöda ginötö ba wolohe fasömbata khö Lowalangi. Ta'osamuzaigö wame'e, he fasömbata si föföna, ba simanö göi zi mendrua awö zi medölu. Ba si föföna ua da tafondrongo Li Lowalangi me imane:

- ❖ Ba da'ö niwa'ö-Gu: Na so zangatalisi tanömö, ba lö oya'oya ibasi, ba na so zi lö alimagö tanömö, ba oya göi ibasi dania. Ba balazi dödö zamösana; böi abu dödö, ba tenga ni forege; si no aoha gölö fame'e, da'ö sa zomasi Lowalangi.

Tafa'ema wasömbata khö Lowalangi, manunö ita moroi ba Mbuku Zinunö
Numero 116

116. ME MANAHAE YESU FÖNA

Lala : Yehowa Zamasao Ya' o (no. 17)

do = f 3/4

MM = 96 - 104

1. Me manahae Yesu föna, ba no anehe niha.
 Nifahaö-Nia zangila, ba so nasa nawöra.
 Ba me muza'wa Zo ' aya, awakhö-wakhö dödöra,
 me lö sa' ae oroma.
2. Khö Nama isa'wa Yesu, ba wamöfö' ö naha.
 Humulu dödöda fefu, ba we' amöi khö-Nia.
 Fa' ila ita dania, na irugi inötöda, na luo wogaonida.
3. Mangandrö ita khö-Nia, afu anau gölöda.
 Böi taya wanötönada, Ibè wangorifida.
 Ya Ifonaha göi ita, ba nahia si so Ia, naha so' ahonoa.

SA

- : *(Na no awai la'owuloi/lafa'ema wasömbata, ba owulo tanö furi zangowuloi Fasömbata, lafendrongagö wolohe föna fasömbata, ba la'o'ö gofanöwa note zinunö (irama lagu).Fatua lö möi ira wolohe föna, ba imane Sangai Agendre:)*

“Da tafasao wasömbatada andre föna Lowalangi,.....Muzizio ita fefu.....
 Manunö ita moroi ba Mbuku Zinunö numero 261

261. YA'E ZUMANGE ²

do = d 4/4

MM = 62 - 68

Ira'alawe

1. Ya ' e zu-ma-nge fa-sömbata, ma ' o-he sumange Yehowa.

Iramatua

- Reff* : Ma'andrö khö-U fa-ho-wu'ö zu-mange ni 'o- hema khö-Mö
2. Ya'e zumange fasömbata mabe'e soroi ba dödöma.
Reff : Ma'andrö khö-U
 3. Ya'e zumange fasömbata buala si'otarai Nama.
Reff : Ma'andrö khö-U
 4. Ya'e zumange fasömbata, boto, noso, ba fa'aurima
Reff : Ma'andrö khö-U
 5. Ya'e zumange fasömbata, lö irugi zomasi dödö-U.
Reff : Ma'andrö khö-U
 6. Ya'e zumange fasömbata, ma'aohasi gölö Zo'aya.
Reff : Ma'andrö khö-U

FANGANDRÖ

- : *(Fangandrö nidönia'ö fasamösa zangowuloi fasömbata, aefa da'ö ba lafa'ema ba Danga zangai huhuo, itema'ö sangai huhuo awena itou'ö ba dete meza. Ba na so Wasömbata si sambua ni'ofulu, owasa wanaru ma owasavwamasi, btn ba itema'ö sangai huhuo si fao taroma Li Lowalangi si faudu ba wasömbata ni' owuloi andrö)*

9. KOOR/VOKAL GROUP

SA

- : Da tafaogö dödöda ba wanuno Lowalangi faoma sinunö ni'olohesi:
 Koor ba Vokal Group

- a. Koor Jemaat
- b. Kegiatan Kom. Perempuan
- c. Kegiatan Sektor 2
- d.

**10. MANUNÖ
SA**

: Da tafa'anö dödöda wamondrondrongo taroma Li Lowalangi, manunö ita moroi Ba Mbuku Zinunö **numero 163**

163. UHONOGÖ SIBAI DÖDÖGU

do = a, 4/4

MM = 76 – 82

1. Uhonogö sibai dödögu ba wamondrondrongo li Mö Yesu Mangalulu ndra'odo föna-U ba gametahö-Mö ia da 'a Öbayoini Eheha-U Yesu dozigö mbanua samati khö-U. Ubokai dödögu khö-U Yesu nahia daroma li-U. Taroma li-Mö lö fa'atebulö menewi ma 'ökhö ba si 'ogötö'ö lö sa mamalö. Taroma li-Mö si möi fangabölö utema 'ö soroi ba dödö, tolo ba wolo 'ö.

**11. HUHUAO SEBUA
SH**

: Ya'irorogö dödömi, awö gera'erami fa'ohahau dödö andrö, khö Lowalangi, Sabölö moroi ba gera'era niha fefu, ba khö Keriso Yesu. Mangandrö ita.....Yaduhu.

- a. Fombaso taroma Li Lowalangi *Halöwö Zinenge/Kisah Para Rasul 1:1-11 (Tuho Migu: Fanahae Yesu ba Zorugo ba Fangawuli-Nia Dania / Yesus Naik ke Surga dan Datang Kembali)*
- b. Fanuriaigö
- c. Nitanö ba dödö. *Sinunö/Mazmur 68:20 (Nisuna Za'aya ero ma'ökhö I'onoro noroda. Fangorifida Lowalangi. / Terujilah Tuhan! Hari demi hari Ia menanggung bagi kita; Allah adalah keselamatan kita.)*
- d. Fangandrö Fanga'aro'ö huhuo

SATO

: Manunö : BZ. Numero 154 : 1

154. NO MAFONDRONDRONGO LIU

do = es 4/4

MM = 96 - 104

1. No mafondrondrongo li-U, Lowalangi So 'aya. Tanö ba dödöma ia, fa böi olifuga. Fahowu 'ö ia khöma, ena 'ö ohahau dödöma fefu. Heta ba dödö zi lö sökhi, ma'o 'ö niwa 'ö-U.

**12. TUHO WAMATI
SA**

: Me notarongo daroma Li Lowalangi, ba da tafaogö Lida wamaduhu'ö famatida Ya'ita niha Keriso föna Lowalangi, muzizio ita fefu.....endronga lida

SA+SATO

- ❖ Ya'o mamati khö Lowalangi Ama si lö ambö fa'abölö, somböi banua si yawa awö danö.
- ❖ Ya'o mamati Khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'amoni'ö, Ono nono alawe Ia, no manaögö huku Ia, barö mbawa Fondrio Filato, teforöfa Ia, mate,ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.
- ❖ Ya'o mamati khö Geheha Ni'amoni'ö, ba ufati ha sambua mbanua ni'amoni'ö, fefu niha Keriso, fa'awösa niha ni'amoni'ö, ba fangefa horö, ba femaoso mboto zimate, ba fa'auri si lö aetu. Yaduhu. (Mudadao zato)

13. ANGOMBAKHATA BA MBANUA NIHA KERISO

SA : Da tafondrongrongo gangombakhata:.....

MANUNÖ

SA : Manunö ita moroi ba Mbuku Zinunö **numero: 433 ayati 1-2**

433. YA'UGÖ, YESU, WE'EWE'EGU 2

do = d 4/4

MM = 88 - 96

1. Ya' ugö Yesu, we' e- we ' egu,
Ya' ugö lala wangorifigu.
Tolo ndra ' odo wanörö lalagu.
2. Yae wangandrögu, fao fangalulu.
Abölö' ödo wola'wa udu.
He Yesu tolo, wolo' ö siduhu.

14. FANGANDRÖ SALAHI + FAMATENGE + HOWUHOWU

SH : Muzizio ita fefu, mangandrö ita :.....(tetohugö) : Ba döi Zo'aya ya'aga Yesu Keriso, Si no mamahaö ya'aga ba wangandrö mamane :

SH + SATO : He Ama khöma siso ba zorugo, ya te'amoni'ö döi-U. Ya tobali banua-U fefu niha, Ya itörö zomasi ndra'ugö, hulö ba zorugo, ya si manö göi ba gulidanö. Öma sirugi ma'ökhö be'e khöma ma'ökhö andre. Ba efa'ö khöma horöma, si mane fangefa'öma sala ba zi so sala khöma. Böi ohe ndra'aga ba wanandraigö, efa'öga ba zi lö sökhi. Me ya'ugö zamatörö banua-U, ba sokhö fa'abölö, awö lakhömi, irugi zi lö aetu. Yaduhu

SH : **FAMATENGE + HOWUHOWU** :
Mi'angawuli si fao fa'ohahau dödö, ya tobali ami sura Keriso, samaduhu'ö Ya'la ba Lala wa'aurimi sero ma'ökhö, ba mitema (tatema) howuhowu Lowalangi :
❖ Ya mufahowu'ö ami/ita Lowalangi, Ya murorogö ami/ita
❖ Ya mufohaga mbawa-Nia Khömi/khöda, Ya mu'ebua'ö dödö-Nia khömi/Khöda
❖ Ya mufalemba hörö-Nia khömi/khöda, Ya mube'e wa ohahau dödö khömi/khöda fefu. Yaduhu

SATO : Manunö BZ.Numero **433 ayati 3**
433. YA'UGÖ, YESU, WE'EWE'EGU 2

do = d 4/4

MM = 88 - 96

3. Ya' e dödögu, ubè khö-U, Yesu.
Ha khö-U ululu fa böi elungu.
Ohe dangagu ba lala sindruhu

SH : YA'AHOWU

SATO : YA'AHOWU